

Joseph Smith: Onyankopɔn Diyifoɔ

Bere a na Joseph Smith adi mfee dunnan no, ɔpɛe se ɔbehu asɔre a ɔbekɔ, eno nti Obisaa Onyankopɔn wɔ mpaee denden mu. Wɔ ne mpaebɔ yi muaee mu no, Onyankopɔn Agya no ne Ne ba, Yesu Kristo, yii wɔɔnom ho adi Kyeree Joseph na Wɔɔnom ka kyeree no se nokore asɔre a na ewɔ hɔ ma Yesu Kristo no nni asase so na wɔɔnom apa ɔno Joseph se ɔnsan mfa mra.

Efiri saa da no, Joseph bɔɔ mmɔden wɔ Onyankopɔ adwuma mu yee adwuma se ɔde Yesu Kristo Asɔre a ewɔ hɔ ma Nna a Edi Akyire Ahoteeɔ no besi hɔ na wɔasi Onyankopɔn ahemman wɔ asase so nna a edi akyire no mu. Asɔre mma agyidifoɔ di adanseɛ se Yesu Kristo ye wiase Agyenkwa ne ne gyefoɔ.



Bere a ogu so eehwehwe asɔre ko a ɔbekɔ no, Joseph hwehwee akwankyere firii Twere Kronkron no mu. Emu na ɔkanee se: "Bisa Onyankopɔn."

Yesu de adiyisem nam Odiyifoɔ so kyerekyere n'asɔre kwan wɔ asase so ene. Na saa Odiyifoɔ no ne Joseph Smith. Mmom Joseph wiee neema pii wɔ ne nkwa nna mu, titire paa ne nahofama se ɔbeyɛ Yesu Kristo Suani ne ne danseni. ɔtwereɛ se, "Adansedie bebreɛ a yeadi wɔ ne ho no, adanseɛ a, etwa toɔ a, yeedi wɔ ne ho ni: Se ɔte ase!" (Doctrine and Covenants 76:22).

Wɔɔnom a wɔnam Honhom Kronkron tumi so nya Odiyifoɔ no adansedie no behu adwuma a wɔfreɛ no se ɔmeyɛ no mu nokore. Wɔɔnom betumi nso ahu asomdwoee ne anigyee a Efiri Agyenkwa Yesu Kristo a Joseph Smith som no no mu ba.

Asɔre ben na Eye Papa?

Wɔwoo Joseph Smith wɔ afe apem ahanwɔtwe ne enum mu wɔ Sharon, Vermont. Bere a saa nkyerekyeremu yi behye aseɛ no, na wadi mfee dunnan, a ɔne nabusuafoɔ te New York, na na ɔhwehwe asɔre a ɔbedɔm anibere so. Nea edi soɔ yi ne Joseph suahu, a ɔno ankasa twereɛe.

Wɔ saa anigyee bere keseɛ yi mu no mede ma'dwene kɔɔ nhwehwemu keseɛ ne amanehunu mu anibere so. Na metae bisa me ho se: Deen na ese se meye? Akuoakuo yi mu hwan na eye papa; anaa, wɔɔnom nyinaa nye papa? Se wɔɔnom mu bi ye papa a, eye hwanea, na meye den na mahu?

Bere a meehu amane wɔ ɔhaw keseɛ a enam Nyamesom akuoakuo mu akasakasa so aba yi mu no, da koro na meekane Yakobo nwoma, etire a edi kan nkyekyemu nnum, a eka se: "Se mo mu bi hia nyansa a, ma no mmisa Onyankopɔn no a ɔma adeɛ nyinaa kwa na ɔnka animu no; na ɔde bema no."

Nyamesem biara nni ho a ede tumi ba Onipa akoma mu senea yei yee me saa bere no. Ede tumi kesee bi wuraa makoma mu. Medwendwenee ho a menim se se Onipa bi hia nyansa afi Onyankopon ho a, eye me, na senea meye no no mennim, na gyese matumi anya nyansa bebre asene dee mewo no saa bere no, menhu da; efiri se nyamesom akuoakuo ahodo mu akyekyerefo no te anyamesem koro noara ase sorowonko senea wode besee awerehyemu a ewo muaee biara a efiri Twer Kronkron mu.

Emmere bi akyi no mesii no pi se metena esum mu, anaa meye senea Yakobo kyere no, ene se, mebisa Onyankopon. Me susuu no me tiri mu akyire yi se "mebisa Onyankopon," sii no pi se se ode nyansa ma wonom a enni nyansa, na ode bema kwa, na onka animuu a, meso ahwe.

Joseph Smith Anisoadehu a Edi Kan

Wo me nsusue yi mu, se mebisa Onyankopon no meko wura no mu



ko so hwee. Na eye afe apem ahanwotwe ne aduonu mu da feefe anopabi. Na eye bere a edi kan wo ma'setena mu a meeso saa adee no ahwe, efise wo me haw yi nyinaa mu no menso nhwee da se mebo mpaee.

*Wonom mu
baako—de ne
nsa kyere
baako so
kaa se—
"Yei ne me
Daba no.
Tie no!"*

Meko baabi a na madi kan asusu se meko no, na mehwehwee ho huu se me nkoa na mewo ho no, mebuu nkotodwe hyee ase kaa m'akoma mu abisadee kyere Onyankopon.

Mehye me mpaeb so ase ara na ahoden bi bekutaa me mu hyee me so, nyaa me so ahoden se ebekyere me tekyerema senea mentumi nkasa. Esum denden bi twaa me ho hyiae, na ebeye me saa bere no mu sedee mak sosee mu mpofirimu.

Nanso, mede ma'hooden nyinaa free Onyankopon se ommege me mfiri saa otamfo a Wobekuta me mu yi ahoden mu, na bere no ara a anka meeye apa aba na magyae me ho ama sosee no—Enye se nsusue mu, na mmom ahoden bi a efiri wiae bi a yenhu mu, a wo saa ahoden nwonwaso a menhuu bi da wo adee biara mu yi no—Wo saa bere no mu ara, mehuu egyafadam bi se egyina me tiri so pee, a ne hyeren boro Owia dee so na esianee nkakrankakra kosii se ebeduruu me so.

Ankye biara na mehuu se m'afiri otamfo a okyere me no nsa mu. Bere a hann no beduruu me so no mehuu nipadua mienu, a wonom hyeren ne animuonyam nni nkyereasee, se wogyina me so wo ewiem. Wonom mu baako bo me din free me a ode



ne nsa akyerε ɔbaako so kaa se—“Yei ne Me Dɔba no, Tie no!”

Me botaeε a mede kɔbɔ Awurade Mpaεε ne se mehu asafo no nyinaa mu deε eyε nokore ama matumi ahu εmu deε medɔm. Ankye koraa na me ho baa me hoso, senea metumi akasa, na mebisaa nipadua mienu no a εgyina kanea no mu no asafo no nyinaa mu deε eyε papa (εfiri se saa bere no na εmaa m’adwene mu se wɔɔnom nyinaa nye papa)—na εmu deε εwɔ he na menkɔ.

Wɔɔbuaa ne se mennɔm wɔɔnom mu biara, na wɔɔnom nyinaa nye papa; na Onipa a ɔne me kasaeε no ka kyerεε me se wɔɔnom gyedie nyinaa ye abusudeε wɔ n’anim; na wɔɔnom a εpae mu ka nsem no nyinaa aseε; na: “wɔɔnom de wɔɔnom ano na εba me nkyen, na wɔɔnom akoma deε εmene me koraa, Wɔkyere nipa ahyedeε mu nkyerekyere, wɔ nyamesu bi, nanso wɔɔnom po εmu ahɔnden no.”

Ɔsan braa me se memfa me ho nhye wɔɔnom mu biara mu; ene neemfa bebree a ɔka kyerεε me, a mentumi ntwerε no saa bere yi. Bere a me ho baa me ho soɔ bio no, mehuu se m’akyiri da fom a meehwe esoro. Bere a εhan no kɔεε no, Na menni ahɔnden; nanso menyaa ahɔnden kɔduruu baabi no mekɔ fie.

Ɔhaw

Joseph yeε osetie maa Onyankopɔn na wɔanfane ho anhye asɔre biara mu. Ɔkaa deε wɔahu na wɔate kyerεε nnipa no, ɔhyeε aseε hyiaa asiedie ne ɔhaw.

Mebehuu no ntem se asem a me kaeε no ahwanyan adwene bi wɔ wɔɔnom a εpae mu ka nyamesom no mu atia me, na metan bebree no nyinaa firi εno, a εkɔ so dɔɔso; na mmom na meye abarimaa a nnipa no nnim me papa, na me wɔ mfee dunan ene dunum ntamu, na me tebea wɔ nkwa yi mu nkyere obi a ɔbeye biibi wɔ wiase yi mu, nanso nnipa a εwɔ gynabea akeseε kae me de hwanyan amanfoɔ adwene de tia me, tane me dendenden; na yei nye adeε foforo wɔ akuoakuo no mu—wɔɔnom nyinaa ka bɔɔmu taneε me.

Ɔde m’adwene kɔɔ anibere nhwehwemuu mu saa bere no, na na εtae ye me firi saa

berε no, ene nwanwa a na eye se abarimaa a nnipa nnim no yie, na w'adi mfec dunnan ene kakra, na ɔye obi a, ne tebea wɔ asetena yi mu hye no ma ɔye adwuma dabiarada de boa ne ho no, wɔbesusu se ɔye Onipa a ne ho hia ama nnipa mu atitire a ewɔ akuoakuo a agye din saa berε no mu no ani beba ne so, ama wɔde ɔtae ne nsemɔne ka ho nsusuie aba wɔɔnom mu. Nanso se eye nwanwa o se enye nwanwa o, saa na na etee, na na eye adee a etaa de awerehoɔ kesee ba me so.

Nanso, na eye nokore se mahu anisoadehu. Na m'adwene ho dada, se mete nka bebree tese Paulo, berε a ogyinaa ɔhene Agrippa anim yii nano no, ɔkaa n'aniso a dehu no mu nsem senea ɔhuu kanea no, na ɔtee enne bi; nanso nnipa kakraabi na egyee no diie; ebinom kaa se ɔnye nokoredini, ebinom nso kaa se ɔye ɔbɔdamfoɔ; na wɔdii ne ho few kaa ne ho nsemɔne. Nanso yeinom nyinaa ansee nanisoadehu no. Wɔahu anisoadehu, Onim se wɔahu, na ɔtae a ewɔ asase yi mu nyinaa ntumi mma ne nokore no nye adee foforo; na mpo se wɔtae no kosi owuo mu mpo a, ɔnim, na ɔbenim akɔsi berε a ɔbewuo, se wɔahu kanea ate enne bi a ekasa kyeree no, na wiase nyinaa ntumi mma no nnwene adee foforo.

Saa ara na na menso m'asem tee. Mahu kanea bi ampa, na kanea no mu no mehuu Nipadua mienu, na wɔɔnom kasa kyeree me; ebia wɔɔnom taneee me haa me se maka se mahu anisoadeehu, nanso eye nokore; na eberε a wɔɔnom etane me, esɔre tia me, na eeka nsemɔne nyinaa tia me se maka saa nti no, me nyaa nkanyan bi kaa no m'akoma mu se: Aden nti na mo tane me wɔ nokore a m'aka no nti? Mahu anisoadeehu ampa; na mene hwan na metumi ne Onyankopɔn agyina, anaa aden

nti na wiase mu nnipa pe se wɔɔnom ma me po nea mahu ampa no? Na mahu anisoadee. Menim, na menim se Onyankopɔn nim, na mentumi mpo nea mahu no, na menpe se mepo nso, na menim se se meye saa a mefom Onyankopɔn na ɔsee aba me so.

Mahu anisoadee;

*Menim, na
Menim se
Onyankopɔn
nim, na
mentumi mpo
nea mahu no,
na menpe se
mepo nso.*

Manya dee meehwehwe a efa akuoakuo a ewɔ wiase mu no ho se—enye mma me se medom wɔɔnom mu biara, na mmom menko so

ntena ase saa ara kɔpem se menya ahyedee foforo. Mahunu Yakobo adansedie no se eye nokore—se Onipa a ohia nyansa no betumi abisa Onyankopɔn, na ɔbenya, na ɔnka n'anim.

Mekɔ so ara yee me nwuma a meye no daa no kɔpem ebɔ da a etɔ so aduonu-baako afe apem ahanwɔtwe aduonumiensa mu, a saa berε yi nyinaa na mehunu amane ne ɔtan denden firi nipa ahodoɔ ho, wɔɔnom a esom Nyame, ene wɔɔnom a ensom Nyame efiri se mekɔ so sii so dua se mahu anisoadehu.

Wɔ berε a mede huu anisoadee no ene afe apem ahanwɔtwe aduonu-miensa ntam no,—wɔabra me se menkɔka asafo biara ho no, na esiane se meye obi a menyiniie, na wɔɔnom a anka ese se wɔye me ayɔnkofɔɔ na wɔye me yie, na se wɔsusu se wɔadaadaa me mpo a anka wɔbefa ɔkwan pa ne ɔɔ so de agye me no nso tanee me no,—mebenyaa nsɔhwe ahodoɔ; na mede meho ɔɔ akuoakuo ahodoɔ no bi no, metae kokɔ mfomsoɔ hunu mu, daa mranteberε mu

mereye adi, ene mfomsoɔ a ɛwɔ nipasu mu; a, eye me ya se meka se, ede me kɔɔ nsɔhwe ahodoɔ mu, a eye mfomsoɔ wɔ Onyame anim. Se meka saa asem yi a, ense se obiara bu me fɔ wɔ bɔne kɛsee anaa huuhu bi ho. Se meye saa adee yi mu biara no nye me su.

Moroni Nsra

Ɔtaa no kɔɔ so bere a Joseph ampe se ɔberɔ se wahunu Onyankopɔn no. Wɔ Ebo da a etɔ so aduonu baako afe apem ahanwɔtwe aduonumiensa mu Joseph kɔdaee no, ɔɔɔ mpaee pee se ohu ne gynabea wɔ Awurade anim. Ɔbɔfo Moroni baa ne nkyen.

Wɔ saa Ebo da a etɔ so aduonu-baako anwummere no, mekɔdaa me mpa so no mehyee ase de ahobɔasee ne mpaebɔ sree Otumfoɔ Onyankopɔn hɔ fafiri wɔ me bɔne ene me nsemhunu nyinaa ho, ɛna afei



Mfee miensa akyi wɔ Joseph Smith Anisoadehu a Edi Kan mu no, Onyankopɔn somaa ɔbɔfo Moroni maa no bekyerekyeree no efa Yesu Kristo asempa no nhye-anamu no ho.

nso se ɔbeda no adi akyere me, ama matumi ahu me tebea ne me gynabea wɔ n'anim, na mewɔ anidasoɔ kɛsee se menya adiyie afiri Onyankopɔn hɔ sɛdee madi kan anya bi no.

Bere a na megu so ɛɛbɔ mpaee no, mehoo kanea bi se ɛɛba medan no mu, a ekɔɔ so hyerenee kɔpem se edan no mu beyee hann senee awiabere, eho ara na Onipa bi firii adi wɔ me mpa no ho, gyina mframa mu ɛfirise na ne nan nka fɔm.

Na ɔhye ataadee hodwoee tentene bi a eye fitaa paa. Eye ade fitaa a eboro adee biara a mahu no wɔ asase yi so: na menye nni se asase yi so adee biara betumi aye fitaa na ahyeren saa. Na ne nsa, ho da hɔ, ɛna n'abasa nso a eboro nabakɔn so kakra, saa nso na na na, nammɔn ho da hɔ, ɛna ne nan boro ne nantu so kakra. Na ne ti ene ne kɔn ho nso da hɔ. Metumi hoo se ɔnhye ataadee foforo biara gyese saa ataadee hodwoee tenteneyi, esiane se ataadee no abue nti no matumi ahu ne koko mu.

Enye nataadee hodwoee tentene no nkoa na na eye fitaa boro so, na mmom na ne nipadua no wɔ anuonyam a eboro nkyerekyeremu so, na na nanim hyeren te se anyinam. Na edan no mu hyeren paa dee, nanso na entese ne nipadua ho. Bere a medii kan hwɛe no no, ehu kaa me, nanso ankya na ehu no firii me so.

Ɔɔɔ me din frɛe me, na ɔka kyeree me se ɔye ɔsomafoɔ a wɔasoma no firi Onyankopɔn anim aba me nkyen. Ɔka a e se ne din de Moroni: na Onyankopɔn wɔ adwuma bi de ma me ye; Ɔka a e se me din beye papa ne bɔne wɔ aman, mmusua, ne kasahodoɔ mu, anaase nnipa nyinaa mu no me din beye papa ne bɔne.

Ɔkaa se wɔde nwoma bi a yeatwere no wɔ sika mprete so asie baabi, a eka nnipa a edii kan betenaa saa asase yi so ho nsem ne baabi a wɔfiri. Ɔkaa nso se daa nsempa no nyinaa wɔ mu, senea Agyenkwa no de maa tetefo no.

Afei nso, aboɔ mienu bi wɔ dwete mu, na saa aboɔ yi kyekyere nkataboɔ bi ho, a eye nea yefre no Urim ene Thummim no—wɔde ene mprete no asie, na se wobɛnya saa aboɔ yi na wode beye adwuma na ekyere obi a ɔhu nani so adee wɔ tete mmerɛ no mu; na Onyankopɔn asiesie saa aboɔ yi se yede bekyere nwoma no ase.

Ɔkaa saa nsem yi wieɛ no, ɔbofo no hyee aasee kaa me nkɔmhye a ewɔ Apam dada no mu no. Odii kan kaa Malaki etire miensa no fa baabi: na ɔkaa nkɔmhye kɔɔ



Wɔ a.d. 421 mu no Odiyifo Moroni de ne nkɔfoɔ ho nsem kronkron a yeatwere no siee fɔm wɔ beɔ Cumorah mu. Ɔsan baa bio se Onipa a wanyane afiri awufoɔ mu no, ɔkaa tetefo no nsem a asempa no nyinaa wɔ mu senea Agyenkwa no de maa tete Amerika asase sofo no kyeree Joseph Smith. Saa nsem no ne Mormon Nwoma no.

a ewɔ Malaki etire a etwa toɔ no mu nso, mmom na nsesaee kakra wɔ mu wɔ nea yeatwere no wɔ yen Twere Kronkron mu no. Se anka ɔbeka nkyekyemu a edi kan no senea etee wɔ yen Twere Kronkron mu no, ɔkaa no se:

“Na hwe, eda bi beba a ebehye se fononoo, ene ahantanfo nyinaa, aane, ene wɔɔnom a eye bɔne nyinaa behye tese esere; na eda no a ebaba no behye wɔɔnom, Asafo Awurade na ɔsee, na enka wɔɔnom nhini ana dubaa.”

Na afei nso, ɔkaa nkyekyemu a eto so nnum no se: “Hwe menam Odiyifo Elijah so, beyi Asɔfodie no ama mo ansa na Awurade da keseɛ huuhu no aba.”

Ɔbofo no kaa nkyekyemu a eto so no foforo: “Na ɔde bɔhye a wɔhyee wɔɔnom agyanom no behye wɔɔnom akoma mu, na mma no akoma bedane akɔ wɔɔnom agyanom ho. Se anye saa a, asaase nyinaa besee wɔ ne ba no mu.”

Ɔkaa Yesiah nwoma, etire a eto so dubaako, no kaa ho, se enkye ebaba mu. Ɔkaa Asomafo no Nnwuma, etire aduonumienu ne aduonu miensa no, pɛpɛpɛ senea etee wɔ yen Apam Foforo mu no. Ɔkaa se saa Odiyifo no ye Kristo; nanso eda no nya mmae se “wɔɔnom a entie nasem no ɔbeyi wɔɔnom afiri nnipa mu,” nanso enkye ebaba.

Ɔkaa Yoel nwoma etire mienu no, firi nkyekyemu aduonunwɔtwe kɔpem nawieɛ no. Ɔkaa nso se enya mmaa mu na enkye ebaba mu. Na ɔkɔ so kaa se enkye bere a amanaman mu foɔ no benya asempa no nyinaa no beba. Ɔkaa nyamesem no bi, kyerekyeree me mu a mentumi nka no wɔ ha.

Afei, Ɔka kyereɛ me se, se mensa ka saa mprete no a wɔka ho asem no (bere a mensa beka no nya nnuie no) me m mfa nkyere onipa biara; me m mfa nkataboɔ no

Anisoadehu no daa adi wɔ madwene mu ma metumi huu baabi a wɔde mprete no asie no.

a Urim ne Thummim; no ka ho no nso nkyere. Menfa saa neema yi nkyere wɔɔnom a ɔbehye me se menfa nkyere nkoa; se meye saa a, meseɛ. Bere a ɔne me eeka mprete no ho asem no, anisoadehu no daa adi wɔ madwene mu ma metumi huu baabi a

ɔde mprete no asie no, ma mehuu bea no pefee ne hann bere a mekɔɔ ho bio no.

Saa nsem yi akyi no, Mehuru ehan a ewɔ dan no mu no se eboaboa ne ho ano wɔ Onipa a ɔne me eekasa no ho, na ekɔɔ so yee saa kosii se dan no mu beyee sum bio, gyese ne nan ho nkoa; a, ehɔ ara mehuu se aye se, ekwan bi apue kɔ soro, na ɔforo faa mu kɔpem se ɔyeraa wɔ mu, na dan no mu beyee senea na etee ansa na saa ɔsoro hann yi eeba no.

Meda ho a meedwendwen asem yi nwanwa a eye ho, na nea ɔsomafoɔ nwanwaso; yi aka akyerɛ me yi ye me ahodwiri yie no, wɔ madwendwene yi mu no, mehuu no preko pe se me dan no mu ahye asee bio se eeye hann, na ehɔ ara na ɔsoro somafoɔ koro noara gyina me mpa ho.

Dhyee asee, bio kaa nsem a odii kan kaec wɔ ne mae a edi kan no mu no, a nsonsoe kakraabi nni mu; na owiei no, ɔkaa atemmuo keseɛ a eeba asase so, ne amanfoye keseɛ a enam ɔkom, ɔko, ne ɔhaw; na saa atemmuo denden yi beba

asase so wɔ saa awoɔ ntoatoaso yi mu. Ɔkaa saa nsem yi wieɛ no, ɔsan foro kɔɔ soro senea odii kan yee no.

Saa bere yi no, tumi keseɛ bi behyee madwene so, ma mantumi anna, medaa ho a nea mahu ne nea mateɛ no abunkam madwene so ahodwirie mu. Nanso nea eye me nwanwa ne se mehuu ɔsomafoɔ koro noaa bio wɔ me mpa ho no, na metee se ɔsan kaa nsem a wadi kan aka no na ɔsan tii mu; na ɔde kɔkɔɔ kaa ho, se Ɔbonsam nam me papa abusuafoɔ so esiane wɔɔnom hiadie nti, se wɔɔnom benya mprete no de anya sika. Saa ho na osii me kwan, kaa se memfa biribiara nhye madwene mu wɔ



Bepɔ Cumorah no wɔ beye se kwansin num Smith afuo mu wɔ Palmyra, New York anafoɔ ne apueɛ ntamu ho. Joseph bere mu no na natifi famu ano no ye esere, anafoɔ famu no na nnua ne kwaeɛ sam ho. Na wɔde mprete no asie wɔ anafoɔ ne atsee famu ho, a ene bepɔ no soro ho no nware. Mfoni: Ɔsannaa 1907

mprete no a menya no ho na mmom se ebehye Onyankopɔn animuonyam, na memma adwene foforo biara nni me so gyese adwene a mede besi Onyankopɔn ahemman no; anye saa a mensa nka.

Ne mmaeɛ a eto so miensa yi akyi no, ɔsan foro kɔɔ soro tese nea edi kan no, na ebekaa me se meedwendwen nea mahu no seesei no nwanwa a eye; a ɔsoro bɔfoɔ no firi me nkycn foro kɔeɛ ne mprensa soɔ no, akokɔ bɔnee na mehuu se adekyee aben, eno nti yen nkɔmodie no anka eeye afa anadwo no nyinaa.

Akoko bɔneɛ yi akyi no mesɔre fii me mpa so, na senea metaa ye no, meko me nwuma a mewɔ ye eɔa no mu so; nanso meyeɛ se meye adwuma senea eye a meye no mehuu se mahɔɔden asa a mentumi ko raa. Me papa, a na mene no eeye adwuma no, huu se biribi eha me, na oka kyereɛ me se menko fie. Meyee madwene se meko



Moroni san bekyerekyereɛ odiyifoɔ kumaa yi afe biara mu mfee nnan. Saa mfee nnan yi akyi no, Joseph nsa kaa mprete no na chyeɛ ase kyereɛ Mormon Nwoma no ase.

fie; nanso, meyeɛ se meetra eban no afiri baabi a yewɔ no, mahɔɔden sae, ma mehwee fom daa ho kopem bere bi a manhu hwee.

Adee a edi kan a metumi akae ne se enne bi a ebɔ me din free me na ene me kasae. Me hwee esoro, huu osomafoɔ korɔ noara se ogyina me tiri so wo ewiemu, na ehann atwa ne ho ahyia tese kane no. Osan kaa

nea wadi kan aka akyerɛ me anadwo no a atwa mu no, na chyeɛ me se menko me papa ho na menkoka anisoadehu no ne ahyedeɛ a manya no nkyere no.

Me tiej; Mesan ko me papa ho wo afuo no mu koka asem no nyinaa kyereɛ no. Obuaa me se efiri Onyankopon, na oka kyereɛ me se menko na menkoye senea osomafoɔ no ahye me no. Me firii afuo no mu, ko baabi a osomafoɔ no akyerɛ me se wode mprete asie no; na esiane anisoadehu no pefee a mahu nti, mehuu baabi ko no bere a meduu ho no.

Atwere Kronkron no

Manchester akuraa ho baabi, Ontario mantam, New York, na bepɔ keseɛ bi wo a eware sene nea ewo mpɔtam ho nyinaa. Wo bepɔ yi atwe fam, a efiri ne soro ho eba fom ho nware na wode mprete yi asie wo ebɔ adaka bi mu da ebɔ keseɛ bi ase. Na ebɔ yi ye ebɔ keseɛ a ne soro ne ne mfinmfini no nyinaa ho da ho, na aseɛ no dee ehye fom ama dote akata ho.

Metutuu dote no wieɛ no, menyaa dua bi, a mede hyee ebɔ no ano, na mede animia kakra maa ebɔ no so. Me hwee emu, na emu ampa na mehuu mprete no, Urim ene Thummim, ene nkataboɔ no, senea osomafoɔ no kaeɛ no. Adaka a na ewo mu no wode aboɔ na atoto fom aye no tese (cement). Adaka yi ase na aboɔ mienu bi da, na aboɔ yi so na na mprete no ne neema a eka ho no da.

Meyeɛ se meyi mprete no, nanso osomafoɔ no amma me kwan, na oka kyereɛ me bio se bere a mede mprete no bepue no nya nnui, na emma kopem mfee nnan firi saa bere no; nanso oka kyereɛ me se memmra ho afe so

pepeere efiri saa bere no, na ɔbeba ho abehyia me, na mentoa so mmra ho kɔpem bere a mensa beka mprete no beɔu ho.

Senea, Wadi kan ahye me no, mekoɔ bea ho afe biara awiee, na eberɛ biara mu no mehu ɔsomafoɔ koro noara wo ho, nya ahyedee ene nyansasua firi ne nkyen wo yen nkɔmɔdie mu, efa nea Awurade beye ho ene

Wo bepo yi atɛe famu, a ene bepo no soro ho nware na wɔde mprete yi asie wo eboɔ adaka bi mu.

senea ɔno Onyankopɔn ahemman no beko so afa wo nna a edi akyire no mu.

Esiane se na me papa nni sika nti, na ese se yede yen nsa ye adwuma, ye adwuma ma afoforo senea yebetumi. Bere bi wo ho a na yewo fie, bere

bi nso wo ho a na yeko akyiri, na yenam adwumaye yi so benyaa asetenapa.

Joseph yee nwuma ahodoɔ maa nabusuafoɔ nyaa asetena pa. Wo afe apem ahanwɔtwe aduonu-nnum mu no ɔnyaa adwuma bi wo Chenango mantam mu, New York. Eho na ohuu Emma Hale a ɔwaree no ɔpɛpɛn da a eto so dunwɔtwe afe apem ahanwɔtwe aduonu-nson mu.

Afei dee eberɛ dui se mensa beka mprete no, Urim ne Thummim no ene nkataboɔ no. Wo Ebo da a eto so aduonu mienu, afe apem ahanwɔtwe aduonu-nson mu, mekoɔ baabi a wɔde mprete no asie senea meko no afe biara awiee no, ɔsoro somafoɔ koro no ara de mprete no maa me ene saa ahyedee yi se: menhwe so; na se mema mprete no firi me nsa ani ana ho mu, anaa me mfomsɔ mu a, wobeyi me afiri ho; nanso se mebo mmɔden se mehwe so,

kɔpem se ɔno, ɔsomafoɔ no, beba abegye afiri me nkyen a, mprete no ne neema a eka ho no benya banbo..

Mebehuu nea enti a menyaa saa ɔhye denden no se menhwe mprete no ne neema a eka ho no yie, ene nea enti a ɔsomafoɔ no ka kyere me se se meye nea ese me se meye a ɔno ɔsomafoɔ no beba abegye afiri me nkyen no. Efirise bere a nnipa huu se mensa aka mprete no ne neema a eka ho no, wɔde mmɔdenbo a emu ye den pee se anka wobegye afiri me nsa mu. Akwan ne nhyehyee biara a nnipa betumi afa so agye saa neema yi afiri me nkyen no wɔfaa so. ɔtan no mu beyee den bebree sen kane no, na nipadom yee anidahɔ dabiara se wɔnya ho kwan a wobegye afiri me nsa mu. Nanso wo Onyankopɔn nyansa mu nti, metumi hwɛe so yie, kɔpem se metumi yee nea ese se meye ewo ho. Bere a, esiane nhyehyee a ɔsomafoɔ no ne me aye no duruie no, ɔhwɛhwɛe neema no, mede maa no; na ewo ne nkyen bepem ene da yi, a eye Ayewohomomɔ da a eto so mienu, afe apem ahanwɔtwe aduasa nwɔtwe mu. . . .

Wo Oforisuo da a Etɔ so nnum, afe apem ahanwɔtwe aduonu nkron mu no, Oliver Cowdery baa me fiee, a bepem saa bere no na menhuu no da. ɔka kyere me se esiane se ɔye ɔkyerekyerɛni wo sukuu a eben baabi a me papa tee, na me papa ka wɔɔnom a ede mmofra ba sukuu ho ho nti, ɔkoɔ ne fiee ho kɔtenaa ho bere bi, na bere a ɔwo ho no na abusuafoɔ no ka kyere no nea emaa mensa kaa mprete no, na eno nti na wɔaba pe se ɔbebisa me cho nsem.

Nna mienu wo Owura Cowdery mmaee akyi no a eye Oforisuo da a Etɔ so nson no mehyee ase se mekyere Mormon Nwoma no ase, na ɔno nso hyee ase twere maa me.


Wɔ Oforisuo mu afe apem ahanwɔtwe aduonun-kron mu no, Joseph Smith, na Oliver Cowdery ka ne ho se ne twerefɔ no, hyee aseɛ nam Onyankopɔn akyedee ne ne tumi so kyeree Mormon Nwoma no ase. Joseph wiee no, nnipa fofɔrɔ bi nso nyaa ho kwan huu sika mprete no. Saa adansefɔ yi nso atwere wɔɔnom adansedie, efise “adansefɔ mienu anomu na asem biara betim” (Korintofɔ 13:1).

Asɔfodie No Nhyɛananmu

Yetoaa yen nkyereaseɛ adwuma no so, a bosome a etɔ soɔ no (Ayewohomomɔ, 1829), yekɔ wura mu kɔkɔ mpaee na yebisaa firii Onyankopɔn hɔ efa asubɔ a yede nya bɔnefafiri wɔ Onyankopɔn hɔ, a yehuu no bere a yɛkyere nsem a ewɔ mprete no so ase no. Bere a yegu so, eebɔ



Joseph Smith ne Oliver Cowdery nam nsangusɔ so nyaa Aaron Asɔfodie no firii Osubɔni Yohane hɔ wɔ Ayewohomomɔ da a etɔ so dunum afe apem ahanwɔtwe aduonun-kron mu.



Yesu Kristo Asɔre No a ewɔ hɔ ma Nna a Edi Akyire Ahoteeɔ no hyee aseɛ wɔ Peter Whitmer Panin fie wɔ Oforisuo da a etɔ so nsia afe apem ahanwɔtwe ne aduasa. Beye se nnipa aduosia na ebehweee bere a nnipa baasia nyaa ho kwan se wɔbetumi ahye nyamesom kuo fofɔrɔ ase wɔ New York.

mpaee no, ɔsomafoɔ bi firi soro sianee wɔ hann mununkum mu, na ɔde ne nsa guu yen so no ɔhyee yen asɔfoɔ kaa se:


“Mo me nuanom a mene mo ye asomfoɔ, wɔ Yesu Kristo din mu, Mede Aaron Asɔfodie, a ekura tumi a ewɔ soro abɔfoɔ nwmadie mu, ne adwensakra no ho asempa, ene asubɔ a wɔde Onipa wura nsuo mu ma bɔnefafiri no ma mo; na saa Aaron Asɔfodie yi wɔmfɔ mfiri asaase yi so bio kɔpem se Levi asefoɔ de afɔrebɔ bebɔ Onyankopɔn anim wɔ teneneɛ mu.”

Ɔkaa se saa Aaron Asɔfodie yi nni tumi a yede yen nsa gu obi tiri so ma no Honhom Kronkron akyedee no, na wɔde saa tumi yi bema yen akyire yi; na ɔhyee yen se yenkɔ na yenkɔ asu, na ɔkyeree yen se medi kan abɔ Oliver Cowdery asu, ansa na ɔno nso abɔ me asu.

Eno nti yekɔ kɔkɔ asu no. Medii kan bɔɔ no asu, na akyire yi ɔno nso bɔɔ me asu—eno akyi na mede me nsa guu ne tiri so de no hyee Aaron Asɔfodie mu, na akyire yi ɔno nso de ne nsa guu me so de me hyee saa Asɔfodie korɔ no ara mu—efiri se saa na ɔhyee yen.

Saa ɔsomafoɔ yi a ɔbaa yen nkyen saa bere
 yi mu na ɔde saa Asɔfodie yi brɛe yen
 no, kaa sɛ ne dine de Yohane, ɔnoara na
 yɛfrɛ no Osubɔni Yohane wɔ Apam Foforo
 mu no, na ɔye adwuma wɔ Petro, Yakobo,
 ne Yohane, a wɔɔnom kura tumi a ɛwɔ
 Melkisedek Asɔfodie mu no ase, asɔfodie, a
 ɔkaa sɛ, bere a ɛsɛ mu yen nsa beka no, na
 me na yɛbefre me ɔpanin a ɔdi kan wɔ asɔre
 no mu, na ɔno Oliver Cowdery adi makyi.
 Eye Ayewohomomɔ da a ɛtɔ so dunum afe
 apem ahanwɔtwe aduonu nkron mu na
 ɔsomafoɔ yi hyɛe yen asɔfoɔ na yɛbɔɔ asu.


Yɛbɔɔ asu wɛe a yɛfiri nsuo no mu puei
 pɛ, yenyaa nhyira keseɛ firii yen Agya a ɔwɔ
 Soro no hɔ. Bere a meɔɔ Oliver Cowdery
 asu wɛe pɛ, Honhom Kronkron no baa no
 so, na ɔsɔre hyɛe neema a ɛnkyɛ biara ɛbaba
 no ho nkɔm. Afei nso bere a ɔbɔɔ me asu
 wɛe pɛ, menso menyaa nkɔmhyɛ honhom,




a mesɔre gyinaa hɔ no, mehɛe nkɔm a ɛfa
 Asɔre yi mfitiaseɛ ne neema bebree a ɛfa
 Asɔre no ho, ne ɛne mma yi ho. Honhom
 Kronkron no hyɛe yen ma, na yen ani gyee
 wɔ yen nkwagyee Nyankopɔn no mu.

*Yei ne Joseph Smith, adanseɛ tiawa, a eye
 nokore a odii wɔ neema no bi a enam so maa
 nsempa no san baeɛ ene Yesu Kristo Asɔre No
 a ɛwɔ hɔ ma Nna a Edi Akyire Ahoteefoɔ no
 ahyɛaseɛ.*

*Sɛ woope Joseph Smith nsem no nyinaa atea
 hwe Joseph Smith—Abakɔsem a ɛwɔ Pearl of
 Great Price anaa Asɔre no Abakɔsem mu, 1:2–79.*



*Mormon Nwoma no a, wɔdii kan tintim no wɔ afe apem ahanwɔtwe
 ne aduasa mua no, seesei ada adi wɔ kasahodoɔ a eboro aduwɔtwe
 wɔ wiase mu.*



YESU KRISTO NKYEREKYERE NO

Yesu Kristo nkyerekyere a ewo Twere Kronkron mu no aye nkuranhye farebae ama adasamma. Agyenkwa no nkyerekyere bi nso wo ho a ete se Twere Kronkron no—Mormon Nwoma No: Yesu Kristo ho Adansedie Foforo. Nwoma mienu yi nam nkuranhye akwankyere so de anigye ne daa asomdwoee bebre wo wo asetena mu.

Senea ebeye a wobonya Mormon Nwoma: Yesu Kristo ho Adansedie Foforo no, fre 1-800-453-1800.

YESU KRISTO
ASORE A EWO HO MA
NNA A EDI AKYIRE
AHOTEFOO

ODIYIFOO JOSEPH SMITH ADANSEDIE

Yesu Kristo Asore a ewo ho ma
Nna a Edi Akyire Ahotefoo

